

Judul lontar : Kakawin Pan Brayut
Nomor kode : IVB/Krop.6/L.111/DJ
Ukuran lontar :
- Panjang = 45 cm
- Lebar = 3,5 cm
- Margin kiri = 2,5 cm
- Margin kanan = 2,5 cm
- Jarak lubang tengah ke lubang kiri = 18 cm
- Jarak lubang tengah ke lubang kanan = 20 cm
- Panjang tulisan kiri = 17 cm
- Panjang tulisan kanan = 18,5 cm

Jumlah lembaran lontar : 4 lembar
Asal lontar : -
Tempat Penyalinan : -
Tahun Penulisan/Penyalinan : -
Nama Penulis/Penyalin : -
Deskripsi : Lontar ini menceritakan tentang kisah kehidupan yang dimana banyak anak dalam keluarga, belum tentu banyak rejeki.

Tempat Penyimpanan : Perpustakaan Yayasan Dwijendra Denpasar

Om Awighnamastu
Kakawin Pan Brayut

1. wara dukut dina melah manuju Ānggarakasih,
ne pan brayut panumaya masisig dyusa kramas,
sida linan wastra pṭak mamuṣṭi madhayang batis,
sāmpun puput maprayoga tana suwe ngmasi pati.

2. sinusungan punang layonne istri tuhu satya,
ne pamayune matingkah sa eteh-ete palatra,
toya hning pabrasihan misi gandhā burat wangi,
léngise pudhak satgal sumbér gandhā mrabukarum.

3. pusuh mnuhe Utama malém sāmpun macawisan,
tkaning don intaran bébék wangi léngis apun,
monmon mirah windu śara waja mka panja datu,
don tuwung sāmpun masémbar lawe sikapa lan taluh.

4. buku-buku panyolasan pagémélane salakā,
kawangene panylāeyan gagaléngé satak sekét,
sāmpun puput pabrasihan winilét ya dening kaśā,
tikéh alus wijil jawā ante maulat panyalin.

5. tatindihe sutra ptak rurubi ni ya sarwwa kaśā,
anak putunia ngabhakti Ibune Umungwi ayu,
ginosongan punang layon kidunge lan magula ganti,
bdil kul-kule karunggwang gong gambang génder lan angklung.

6. tumpang salu palinggihan kalewaran dadi nāga,
smu rimrim sang hyangatmā tumon ring raga kurungan,
mangomango sang hyangatmā kori agung mungging swargga,
umantuk ring damar kurung manyuluhin margga sangā.

7. babanténe ditébenan panébusan ulung daśa,
sok cegceg lan kakecér dadagélan nāsi angkébb,
sok linggah pangruyagan pipis lem mawadah tapis,
sagi-sagi pamriyagan sopacorane sumandhing.

8. ténggék kbo yosbraṇā anggon manétéh tabunan,
babangkit lan panjang ilang sandhing tatopong kulambi,
satingkah mamanan toya Ulantagane sumandhing,
patarāṇa kulit macan kawottang kidang kancana.

9. sanggar tawange banténing puṣpa linggā pabhaktian,
pépék katur sāmpun génép śuci katuring bhatarā,
pacopaco Upakāra pisang kémbang pisang jāti,
bebéke kasuryya pindhālan bubuk pirata.

10. mwang isining paturon kasure maUddag-uddag,
bédeg pipis lan sangsangan saling mote jaring pipis,
saddā lawe Ukur émās cacadden lan ulap-ulap,
gagrantingan sarwwa amās Angénan mapucak maṇik.

11. toya pangéntase bwat aji kti ulung daśā,
pangélébe soca mirah pudibya sba balungan,
paripiyane māsaliyar Uladtagane sumandhing,
pucuke anggon babungah tléng tunjunge kapuji.
12. Ubés-ubés manuk dewata paninggane mapontang mās,
sandhangan lawe per mās galang sinang maring tngah,
éndih murub maka tarad wijil jawa patrā sarî,
gawok wwang padha tuminggal sarwwa léwih maendahan.
13. anak putunia makéjang wilangan karoblah dadwā,
kasturi mwang síku tunggal sopacara lawan saji,
pinujā de sang wiku sāmpun rawuh sang hyang Atmā,
kalinggihang ring angénan mantuk maring puṣpa jāti.
14. pianak mantu ptang daśā tlas sāmpun majāti,
tan sah prasatya ring raṇā astiti ngrégépang mati,
tinampékin ala swargga anak putunia sumandhing,
len mabusikin satyā matudihing margga māti.
15. ne pamayune matingkah sgéhane bwin mani,
makjang majujon-jujon sgéhane luh mwani,
ne pamayun ya méswang mās salaka mwang pipis,
ne madhenang mangibukang badene sāmpun ring yawi.

16. ne nyoman mangitungan panamyune makjang,
sami kaéduming gawe i ktut nongos di suci,
mangonek tur ya majalan adak mula sebét gati,
ririhi prajnyan mangitungang sgéh panamyune luh mwani.
17. smitane sdhéng di ulam mwanng ebat bane sami,
bawi kbo pényu ayam angsa bebek lawan kambing,
yannya mebat twah ia prajnyan bedane kréng nyicipin,
tbék basange mrénetnet kumisanyélép maléngis.
18. lantasi ya nganjrenging twak arak brangdhine kaceret,
panyoroge sate kbo pényu celeng tan kari,
lalawuh guling apukang prade punyah tana gigis,
buka twara nawang éméd lawar kbo bwina pego,
19. malih ya ngadukang srapih damin kambing bwina paso,
angsa bebek buin dwang pukang ,
babi gumah tatimbangan,
mai cai aba onyangang kulit guline rényah,
buka twara nawang léga bāne lobha twara gigis.
20. tonden tutug ya makjang gobannyane nasak sabo,
mata bero oyog-oyog angkian runtag buka mati,
munyi ngacuh sera sero masih ya nagih be guling,
lantasi manyagjag mangayag nyaruyung labuh nungkayak.

21. kdek banjare mabriyag nyamane manyuryakin,
bāne pongah kmang manglagar singnge dalém nyang abdik,
suba lingsir ya madabdab tingkahe jani mangutang,
bāwu inget tken awak lantās ya bangun mangayag.